

司梓溪全集

序目

漢書門			
一〇	四	一	七
一	七	五	七
一	一	五	七
冊	架	函	號

內閣文庫			
三	一	一	漢
六	四	一	書
二	一	七	
四	四	七	類

內閣文庫	
番號	漢 10417
冊數	14 (1)
函號	316 159

316-159



新刻... 精... 先生... 全集...
... 舒... 同... 蒙... 氏... 仁... 丁... 丑... 為...
... 廷... 試... 進... 士... 首... 余... 夜... 之... 不... 並... 世... 亦... 請...
... 於... 薦... 紳... 先... 生... 所... 習... 聞... 其... 言... 亦... 謂... 即...
... 則... 既... 私... 心... 嚮... 往... 為... 其... 後... 亦... 謂... 其... 學... 亦...
... 同... 與... 特... 鄉... 州... 為... 其... 道... 先... 太... 夫... 志... 行...
... 別... 益... 思... 謂... 其... 文... 以... 尚... 志... 亦... 人... 亦...



新刻舒梓溪先生全集序

淺草文庫



鄉先正曰舒國裳氏正德丁丑為
 廷試進士首余後之不並世然時
 於薦紳先生所習聞其言論風節
 則既私心嚮往焉其後與厥孫琛
 同舉於鄉頗為余道先大夫志行
 則益思讀其文以尚論其為人抑

戊春余之任閩臬琛始出其遺文
若干卷畀余校而序之余惟閩先
生故謫官地也當其時布德談學
多士翕然師宗之則是刻詎不宜
於閩哉先生以文學侍從

武宗朝志在國家絕無溫飽念諸所
諷議繫社稷綱常之重既而巡幸

欲南且徧焉先生氣愈勁言愈厲
直陳時事不少避忌以此竟蒙杖
謫時有當事者阻抑之莫能奪也
及

世宗踐祚詔錄前得罪言者先生召
還原官略不爲已事悔怵會有大
禮之議復抗疏犯怒杖幾死余讀

漢史至汲長孺好面折廷諍而淮
南寢謀輒廢書嘆曰嗟乎直言之
士其道主於匡君也而亦可以弭
釁人君用直言之士其功在於救
失也而亦可以建威故士能居常
敢諫而後能臨難死義乃自古記
之矣我

國家運祚昌明培養隆洽士大夫不
安酣秦而任綱常二百年來已有
先生與羅公一峰後先相望於大
江之西可謂盛也先生再杖病創
甚尋丁內艱歸踰年病作竟死死
之後家無立壁嘗語人曰心術與
學術相符者也懷居與懷利相因

者也急勝敬欲勝義則其心死死其
學偽噫心死則死身死則死死一
耳心與身孰重先生其辨之審矣
故自初仕至死總之甫十餘年中
間諫而杖杖而竄又復諫又復杖
奮不顧身即死生曾無蒂芥又安
知有可懷之榮利可戚之貧阨哉

先生幼而穎敏貫穿經史百家雖
象緯律曆禮樂名物靡不洞究而
尤精於天文所著有易箋問東觀
錄周禮定本太極釋義多不下數
千萬言徃徃前人所未發而尤注
意於周禮嗚呼享年不及艾厯官
不過史懷瑾握瑜齋志以死論者

至今悼之然而讀是編者當知其
 心之所以不死也其他操行之修
 縈文章之淵鬯與夫世系出處業
 以載之狀誌中以故不著著其大
 節舒君琛字 郡之進賢人舉
 嘉靖甲子鄉試博古而文能世其
 家學云

萬曆丙子三月望同郡後學南昌
 漆彬頓首拜書



梓溪文集序

宋歐陽公文章經濟天下翕然宗之荆舒繼起擯
辭雖工掩於相業愛而傳者罕矣方是時二程在
朝忠言入告上每俯躬嘉納風及用舍亦勤首肯
然典禮法度一變雖異誘諄切莫之能繹也臣從
善則可以善君吁難矣哉

毅皇帝豫遊時史官敢諫者惟梓溪舒先生一人罹
杖後病臥院中掌院者懼禍使人標出之先生屹
不爲動曰吾官于此當死于此旣謫閩裹瘡就道
或勸侯痊先生曰死吾分也敢少留耶宅憂扶柩

自江而湖忽雲垂波立舟楫危甚爲文顛祭風濤
頓息人服其精誠于時再諫再杖抵家則沒矣年
四十有四爾謂之烈丈夫者非邪平生清苦家無
立壁儲御史良材爲小築會城居其妻孥佐曩歲
過之二子奏奉出其文集相示於乎先生勵志聖
賢之學氣節文章蓋餘事也江右大魁惟一峯以
道鳴世先生實繼之其策名

清時同令德榮問同官止脩撰抱道而終又同雖儕
之伊洛諸賢可也夫豈徒以文傳者哉憶歲丙子
偕陵陽梅君百一北上偶論武王伐殷歲在鷄火

通考象緯弗載因推步之歲自烏帑旅于龍首我
聖祖殄平僞漢丁未改元星紀吳分也壬午靖難析
木燕分也福德所在其應如響可弗詳乎梅嘆曰
向見國裳亦論到此佐自是知先生比入史館先
生復官造

朝相見握手謂曰吾識君於百一久矣自是過從驩
甚嘗曰心術與學術相符者也懷居與懷利相因
者也怠勝敬欲勝義則其心死其學僞吾儕格君
其豫在此佐恒衣其德言每察先生端居終日讀
書治事之暇未嘗晝寢夜必計過自訟晤卽相告

蓋乾乾惕若其真積深矣嘗謝

馳恩騎入吏部堂屬嘖有煩言先生將奏其作威佐
謂曰曾記定性書乎人於怒時遽忘其怒先生謝
曰吾子督責是也卽焚其草每言曆象古太史職
也中星以日爲主七政以歲爲主凡盈虛朏朧伏
逆遲留如指諸掌觀望星氣占則必應佐弗能及
也其論西山變律謂擴前哲所未發佐謂此乃京
房執始變虞之屬耳孰謂不然居二日來曰吾過
矣檢漢志果京房律也因言鍾律度量所以治歷
明時康節粗得大意而不能建律運歷將舉禮樂

必也周官乎觀大司樂則律歷備矣佐深韙之惜
其著述散逸茲集特十一爾吾廣方伯張公鏊學
憲張公希舉皆先生鄉人也聞而欲刻之先一夕
佐夢先生來顧語笑如昔懇曰吾文欲刻盍慎擇
諸明發而二公果至於是手自校選定爲五卷於
乎先生信神明矣哉蓋其爲人也其死忠勇其孝
感誠其從善敏其自治嚴其裋身潔其處貧樂故
能合內外貫天人名理如程朱詩文如韓歐而多
所自得使若荆舒之逢時則率典迪而媚嫉者消
矣然則先生進退存亡其爲天下國家所關係豈

細故哉佐於是重有感焉

嘉靖三十年歲次辛亥孟夏朔日

前進士史館友末海隅黃佐頓首拜書

梓溪文集序

梓溪舒公既亡之二十五年學憲來溪張君稟遺稿若干篇刻之宮端泰泉黃公有友誼表其志以傳信來世鑿謂公卿先達也嘗三復悼歎於公之遺文往事而又以直道爲

國家賀焉因僭附一言嗚呼古之賢人君子以民物君父爲念凡民物之休戚君父之安且危機宜利害皆責諸已彼誠見天理之當爲而無所顧慮然非特立獨行莫之能與也嗚呼是所謂直道也夫直道世之元氣元氣完則百邪爲能勝古有致理

者其體勢敦龐淳固其廟祐尊安歛五兵弭釁逆
強臣賊子寢伏畏讐而綿歷千祀恒必由之顯明
直道之烈也粵我

皇明

天祚隆厚加以

列聖培植士大夫不安爵祿之酣豢而任綱常倫理
至有忠義傑然振世如一峰羅氏可謂古今一快
矣後數十年而公又繼之其遭承名寵既無不同
而批逆鱗瀕於九死大節挺然而相望又何其盛
也公學博而行脩自布衣窮居無不可稱說於世

嘗悲悼俗學其爲文志意溢發翔出萬物之表而
義理淵鬯有紫陽氏之家法焉爲詩好古雅謂流
連光景爲無益昔人考文者徵實於憂時敢諫其
公之謂歟公拜倫魁甫十年再入翰林一謫福建
市舶提舉丁內外艱半之享年四十有四風神玉
立眉宇英特秀爽遇事侃侃無幾微矯飾蓋其養
之正出之果而非有意必也處朋友不阿徇有虧
切之益尤善成就後學公旣以素所樹立爲天下
嚮往其擯落也天下方顛顛焉跂踵以俟賴
天子仁聖褒崇弼直凡

橫濱文集 卷五
先朝所讜言罹罪播遷之臣並見錄用往往躋通顯
其播遷而死者亦蒙贈錄而公召復遽憂阨以終
數也文其可無傳乎雖然公之可傳者豈徒文而
已哉而

國家養士與士之爲報抑可謂厚而盛矣故表言之
嘉靖辛亥夏五月朔

賜進士出身正奉大夫廣東布政司左布政使前奉
勅提督學校浙江按察司副使翰林院庶吉士郡人
張鏊謹序

刻舒梓溪先生集序

國朝以制科取士得人爲多肇自洪武辛亥迄今幾
二百年歷科五十有八而吾江右魁

大庭者十有六人振藻藝林蜚英槐棘垂休簡策蓋
後先相望也乃若出處之同表著天下後世則有
一峰羅先生倫梓溪舒先生芬焉一峰之文久已
鏗行而梓溪之文世未多見近方刻於廣省宮端
泰泉黃公方伯蒙谿張公旣各爲之序矣顧尚多
闕佚先生門人文峰熊子杰裒集數年復叅廣本
於是收錄殆備予始得縱觀之因思先生與一峰

先後同以敢諫謫官謫且同於閩地閩士民慕其
道德風節而宗之既又同俎豆之矣則刻先生之
文宜在閩乃携入閩臬僭加商訂謀諸學憲鎮山
朱君衡深以爲然而大叅南溪丁君以忠憲副直
軒汪君侏僉憲忠池黎君澄麓泉徐君光啓皆誼
在同鄉均切景仰樂捐俸而共成之予讀先生制
策如董賢良封事如胡邦衡詩文不獨兼步韓歐
而直溯濂洛蓋博極群書根據體要爲燦然規世
載道之言其間如論道學則尊濂溪爲中興之聖
而不滿伊川之外師敘周禮則深斥漢儒附會之

非而直責朱子之惑自非確然見理之真毅然任
道之重不惑而不懼者敢謾爲之說耶是殆發前
賢所未發有功於聖人之門豈但文焉已哉先生
於仰觀俯察律曆象數古今名物無不洞究精微
而尤拳拳志在周禮使假之以年得立朝行志舉
周官法度以翊

聖皇致休治豈非

國家民物之幸顧天奪之早徒使天下後世景仰
其直節昌言之風而齎業志匡時之恨豈非數耶
予生也晚輒於遺文三復悼歎豈敢序先生之文

哉况先生之亡將三十年而使天下後世人得而仰之凜凜然猶有生氣如此即先生之精神塞乎天地有不待言語文字而存者惟千古而下考德論世亦必有所徵焉則是集不可無也愷不佞謹述其刻集顛末以諗四方之景慕先生者云

嘉靖三十二年癸丑春二月甲子

賜同進士出身中順大夫福建按察司副使前文林郎南京兵科給事中南昌萬虞愷謹序

舒梓溪先生傳

門人南昌熊杰撰

先生舒氏名芬字國裳初字以時嘗號石灘避邑鉗更之曰梓溪世稱梓溪先生遠祖曰選宋建炎間自浙東陽徙居信州懷玉山紹興中曰繼祖遷隆興軍北山元大德初曰文英徙進賢梓溪曾祖震溥祖廷式父法曰野江翁以先生貴 封翰林院脩撰母聶氏 封太安人先生生於成化甲辰年三月十有一日也時有士人泊舟野江夜半聞空中語曰狀元姓舒先生幼性端重資稟警異六

歲太安人口授孝經論語輒了了大義十二歲以
郡守祝公瀚脩封洫至梓溪先生爲獻馴鴈依人
賦薦補郡學生督學虛齋蔡公試輒首選初輿情
譁然公指其文曰此他日大魁天下人也士衆始
服正德丁卯中鄉式丁丑策對 大廷頃刻萬餘
言皆經濟人文澤於道德仁義也 御批第一甲
一名授官翰林院脩撰戊寅

武廟北狩二月先生上隆 聖孝疏七月上車服疏
其言天理人欲之分反復數千言諷諭切至也已
卯 南巡率同院編脩崔桐庶吉士汪應軫曹嘉

王廷陳馬汝驥等伏 闕懇疏罪刺閣中杖幾死
遂落職福建市舶副提舉辛巳

皇上嗣位召復翰林脩撰癸未乙酉連遭野江翁太
安人喪逾二年下亥先生以疾卒於家年僅四十
四塋新建縣象山之陽子三長泰次奉三奏泰子
相先生平生負氣剛毅所遇貴者常失勇者常喪
雖覺峭厲於世不可得而無爲文章宥迭不窮所
著有易箋問太極通書釋義周禮定本三山紀會
東觀等錄詩文凡十卷皆觸事而發辭義凜凜實
似其行

贊曰舒先生在當時仕也謫也名與羅公倫齊是皆以救時行道爲賢犯顏敢諫爲忠而心一道同也自宋熙寧元豐道術周禮壞爛而先生慨然希周以經世宰物爲心謂六典鑿鑿可行所謂如有用我執此以往惜未見諸行事君子謂其志行高古學問深醇直道不能趨時長才足以濟用其名言哉予故著其槩使後世知先生者以是求之云

翰林院脩撰舒芬

勅命

奉

天承運

皇帝勅曰文章之任班資特重于翰林國史之官筆削首稱乎脩撰故必極衣冠之選抑

將爲臺閣之儲旣越常流宜
承殊典爾翰林院脩撰舒芬
學識精醇性資端介文魁天
下職列詞垣編摩稱秉筆之
公考校號得人之盛比懷忠
憤嘗抗疏而謫官旋值新朝

遂賜環而進祿賢名大振慶
典方行可無寵章以示褒勸
茲特進爾階儒林郎錫之勅
命於戲陳仁義格君心亦旣
資於勸講罄謀猷禪治道尚
有待於延登益懋乃庸用光

朕命欽哉

勅命

嘉靖貳年七月初五日

之寶

大明翰林院脩撰儒林郎梓溪舒先生墓誌銘

正德丁丑春策天下士以先生為第一甲第一人

賜進士及第授翰林院脩撰沂與名榜內改庶吉士

同先生讀書於中秘已卯春諸權倖欲

武皇南巡江彬實迫之廷臣數諫不納沂與同館者

八人亦具疏末上

詔下謂阻逆致疾弗瘳未堪視朝沂曰未可也先生

不從遂入諫復罪刺閣中於是編脩崔桐庶吉士

汪應軫曹嘉王廷陳馬汝驥江暉並令於午門

外跪日辰初入盡酉而退者五日人杖三十於廷

公每呼

高廟之靈神色獨不喪出謫爲福建市舶副提舉病危而復蘇遠近有相傳爲野祭者先生之事與羅公倫實相似故人益重焉辛巳

今上即位肆赦諸竄謫者皆

詔起先生適奔父喪嘉靖癸未服闋復脩譔甲申夏會議大禮沂與先生疏凡三上以伏

闕得罪先生再杖於廷幾死明年乙酉太安人棄

養于官邸即扶柩歸丁亥春三月十有四日先生以疾卒嗚呼痛哉是年冬十有一月沂待罪補江

西左叅議明年戊子秋九月二十有五其子泰遷先生之柩於進賢之梓溪至章江是日巡撫都御史周公廣巡按御史儲公良材左布政使顧公珀右布政使黃公芳右叅政李公緋按察使胡公璉僉事王公晞及郡縣長皆往祭于江沂得臨而哭之越冬十月四日塋先生於新建之象山之陽銘於墓者沂何能辭先生諱芬字國裳舒姓世出浙之東陽宋建炎中曰選者來居信之懷玉山紹興中曰繼祖遷隆興之北山元大德初曰文英者徙進賢之梓溪至曾祖溥震生祖庭式庭式生

法先生之考也 贈如先生官母聶氏 封太安人先生爲郡學生時嘗賦赤鴈郡守以魁天下期之初號石灘邑有石人灘諺云灘合而狀元出生乃改號梓溪蓋天實生之有不得而避焉者先生生於成化甲辰三月十有二日享年四十有四先生負氣剛毅所遇貴者常失勇者常喪雖覺峭厲世不可得而無爲文章迭宕不窮所著述賦詠若干卷皆觸事而發辭義凜凜實似其行娶齊氏同邑善族 封安人子男三人泰奉奏女二人長適徐曰敬次適樊夔銘曰

維學作人百年其興維名登俊四國是憑學敦其倫道將焉明名隳其節義孰與行去道去義不可爲國噫惟先生以辨世惑

賜進士出身朝列大夫江西布政司左叅議奉

勅提督糧儲前翰林院侍講

經筵講官同脩

國史鄴陳

沂 撰

先大父太史公行實

太史公既亡之四十一年是為隆慶改元

皇帝蒐先朝建言得罪之臣有褒卹典乃琛與計偕

至思我太史公以道鳴世與一峯羅氏同而官止

脩撰又同羅已謚文毅而我太史公尚未議謚第

欲陳情於

闕下會有禁止之特禮部禁故追敘太史公之行以

俟觀風者採云

太史公琛之先大父也姓舒氏諱芬字國裳初號

石灘諺云石人灘合狀元生乃遜不居故四方之

士以道義師承者更稱梓溪先生而公著書則自號視帶子蓋取言近之義也太史公世家進賢之梓溪里其先本出吳太伯之後其後居浙之東陽者為世大儒宋元間自東陽三遷至梓溪世有聞人至第七世野江翁諱法字本制乃太史公之考也嗜古力學倜儻不凡常語人曰吾後必有興者嘉靖癸未以先大父貴 贈儒林郎翰林院脩撰母聶氏 封太安人太史公生而穎異不群凡兒六歲太安人口授孝經論語輒了了大義年十二郡守祝公名翰字惟容浙江人脩封洫至獻馴鴈依人賦時祝

公渡楊灘而東有赤鴈集輿甚馴至救地下深見輿乃從容飛去公以為祥故太史公獻是賦

許可薦補郡庠弟子員督學蔡公名清號虛齋晉江人試輒

首選初輿情詳然公指其文曰此他日大魁天下

士也以上出墓誌及本傳以詩經中正德丁卯鄉試戊辰下

第卒業南雍嘗讀過夜分每聞隔墻有呼舒相公

聲雖於書無所不讀而實勵志於聖賢之學嘗曰

濂溪中興之聖也是時所著有太極釋義通書釋

義出本傳太極釋義家藏有親筆稿惟通書釋義亡又作易箋問七十餘

條書論二十篇詩禪說三十餘條春秋疑義三十

餘篇按太史公與顧順中書云近年所著有易箋問七十餘條書論二十篇詩禪說三十餘條

春秋疑義三十餘篇後俱散失後六十年琛復一得易箋問於宗侯斗西餘訪之竟不得惜哉

時號稱天下士者咸推讓焉逮丁丑春考官陸文

裕公名深號儼薦為元選有他日必為骨鯁之語

主試者抑居十一名及對

大廷頃刻萬餘言立就是科制題獨詳上自羲農

以及近代凡經史所載為治之事悉以咨焉太史

公敷陳道法至詳至備直言時弊諄諄懇切而卒

澤於道德仁義粹如也

御批第一甲第一名授官翰林院脩撰時

毅皇帝不時巡幸太史公憂之戊寅春二月

孝貞皇后崩踰月即欲往視山陵又革一應擺路

軍馬太史公度其且至宣府遂上隆聖孝疏謂

三年之內當深居九重無復外出雖釋服之後

儼然煢煢在疚如成王免喪朝廟之時又謂自古

萬乘之尊非奔竄避難未有輕身而不嚴侍衛者

既而又上車服疏謂天子等威莫大於車服而

下同於庶人甚非所以辨上下而定禮儀也時虞

有意外之變故每疏之中三致意焉又言

孝貞作配茂陵未聞失德而

祖宗之制主必於午門昨

孝貞太皇太后之主以從

陛下之駕入於旁門使他日作史者以春秋法書之

曰六月巳丑

車駕至自 山陵迎

孝貞純皇后主入 長安門則讀者亦必以春秋公

薨書地不書地之法求之則

孝貞不得正終之疑不解矣宜

陛下明詔中外以示改過二疏極言天理人欲之分

反復數千言諷諭切至會江西洪水决圩漂舍遂

乞 恩終養謂臣係獨子無他兄弟父母疾老恐

填溝壑辭極悽愴凡五上疏不允以上出奏疏巳卯春

車駕議以三月十九日壬子 警道東巡祀岱

宗歷徐揚抵南京下蘇州復泝江浮漢登太和太

嶽且遍中土繁麗先是江西宸濠久蓄異謀又結

陸完錢寧輩為內應時

帝星又明於江漢士大夫非忠義素定者輒貳之以

故一聞

駕出人情洶洶懼禍不測將相大臣多順從之皆以

為天下之事不可為矣太史公乃慷慨義曰 車

駕出必不利此社稷安危之所繫也十五日早疏

先入乞留 駕誠切懇痛明言江右有親王之變大臣懷馮道之心語濠與完也復罪刺閣中謂一切危亡之迹不苦言以救而聽

主上之自壞言甚激烈時完以庸才位冢宰且將有奪之者利於

主上遠出則已得以久其位或濠之謀倖遂則已又有非望之福故造為惡語以阻抑諫者謂

主上聞直諫便舉刀為刎狀且曰今撒賴矣初以此阻太史公太史公不聽復以此阻諸司欲諫者時同鄉東洲夏公名良勝午溪萬公名潮過太史公

宅扼腕恨阻義太史公因邀太常陳公至名九川

俱酌之酒贊之曰匹夫之志今其可奪與今日之事當死諫無二是夕遂連疏入時號江西四君子謂我太史公及夏

公萬公陳公也太史公萬公又俱進賢人盛哉且以告諸同志明日某某等疏俱入又明日某某等疏俱入 車駕遂不果

出向使太史公為陸完阻則東洲午溪之疏且緩矣諸公之氣亦衰矣安得此舉以制

主上之行哉以上出李崇德墓誌乃二十日

天威震怒命舒芬等於午門外跪五日未辰而入終酉而退太史公嘆曰古人云生寄死歸苟社稷安

固雖即死何憾二十五日戊午

是日水溢內海子四五尺至不了橋

衝折鉄檻大柱七根若斬然

命舒芬等於午門前去衣杖三

十大史公每呼

高廟之靈神色獨不喪罹杖後臥病院中掌院者懼

禍至使人標出之太史公屹不為動曰吾官於此

當死於此又命為首者調外任遂謫福建市舶

副提舉初羅一峯抗疏奪情亦謫此官太史公此

風節乃立祠以祀二公云即裹瘡就道或勸俟痊曰死吾分也

敢少留耶是時病危幾死遠近相傳為野祭有一

峰之後見先生之語此段出黃泰泉序既至閩布德宣威

遠夷心服暇則講學不倦生徒日衆六月丙子江

西宸濠果反敗季秋九日動登高思偕年友平嵩

姓劉名世揚東岡姓楊名越坡姓廖名世昭浴陽姓郭名波遊烏

石板崖撫岑長嘯孤詠或唱或和以竟此日越十

日又至各為詩若干首屬太史公和且錄之以記

遊太史公曰屈子作離騷人謂忿怨嫉世逃虛非

知屈子曰古仁人立言深遠余何敢也集成有三

山紀會錄庚辰閏八月野江翁棄養於家太史公

聞計慟絕兼程而歸歸則哀毀骨立事事循朱子

家禮時鄉多寇有請避居者曰文墨士何以憂寇

堅立不易辛巳夏

世宗即皇帝位肆赦諸竄謫者皆

詔起會宅憂癸未服闋應

詔復官翰林道濟入謁

先師行釋菜禮周歷宮宇壇場堂閣覽山川勝槩徘徊數日若深有得與聖公講士相見禮聖公固讓

曰禮理也公先人之身法心法也讓何爲因錄所

撰謁闕里記所畫闕里圖所貌入聲夫子宮墻圖

所行釋菜禮儀所行士相見禮儀并問答五章聯

句三十五韻總題曰東觀錄時吏部欽依

詔書例陞俸一級太史公上辭陞俸級疏嘗語同館

友曰心術與相符者也懷居與懷利相因者也怠

勝敬欲勝義則其心死其學僞吾儕格君其豫在

此聞者恒佩服之此段出黃泰泉序六月奏請 勅命遂

得 馳恩又進太史公階儒林郎降 勅褒之甲

申春二月

昭聖慈壽皇太后聖旦節太史公上乞 命命婦朝

賀疏謂

皇太后奉

陛下宗社大計而

陛下承繼大統觀夫成王周公儀禮經文與我太祖制服之意則是

陛下於

皇太后雖欲疏之有不能者是宜率天下懽心以事其

親而不可使

皇太后之淒涼也三月乞致仕以圖便養疏再上不允洎夏又再上不允又乞改選以便養又不允時

皇帝欲尊

興獻王爲皇考

命下群臣議大禮太史公執議謂爲人後者爲之子不得顧私親疏凡三上固爭不得乃率朝紳慟哭於

武宗廟以感動之

皇帝震怒杖如前幾死罰俸三箇月時奉太安人聶氏就養明年乙酉太安人卒於京師官舍請

命扶柩南還行李蕭然以書篋易路費抵家三月而塋如野江翁故事生平好周禮嘗加訂正作五官辨序五卷六官圖釋一卷剔僞一卷既乃校定正經仍六卷總之十有三卷題曰周禮定本謂周禮

者至誠盡性之書也門人魏公良貴刻又嘗脩三

禮書未幾太史公辭世使天假之以年得立朝行

志舉周官法度翊

聖皇致休治不難矣嗚呼痛哉此段出本傳太史公幼即

穎拔日記數千言貫穿經史百家之旨於允仰觀

俯察律曆象數古今名物無不洞究其奧而於天

文尤精每言曆象古太史職也中星以日為主七

政以歲為主凡盈虛朏朧伏逆遲留如指諸掌觀

望星氣有占必應雖同館號知天文如泰泉姓黃名佐

香山者亦自以為不及也又言鍾律度量所以治

曆明時康節粗得大意而不能建律運曆將舉禮

樂必也周官觀大司樂則律曆備矣識者躔之此

出黃泰泉序其博文有如此者九歲能詩十二工賦論

議必折其衷感時乃見乎志至於大或千言少僅

數語志意溢發翔然於萬物之表而多所自得若

制策封事雖董賢良胡邦衡不能過焉此段出張蒙溪萬楓

潭序其文章有如此者謂太極圖亦則河圖與伏羲

同功而不滿先儒本於易之說謂濂溪得斯道之

正脉而直責程正叔之外師至於周禮一書嘗責

漢儒多附會之罪宋儒之表章之功謂周禮之與

儀禮戴記猶蜀之於吳魏也賈氏以儀禮為本周禮為末謬妄已甚朱子乃不正之是其所惑也出太

極釋義周禮定本至於五經嘗疏論數萬言闡其幽趣大

抵皆有功於聖門出楓潭序而周禮尤為有賴也不然

則蜀魏之義晦矣其理學有如此者少擢倫魁初

不色喜繼謫閩舶了無愠容嘗獨立敢言瀕於九

死不撓不懼至謝 馳恩騎入吏部堂屬嘖有煩

言公將奏其作威友人曰人於怒時遽忘其怒公

即焚其草出秦序其性情之正有如此者端居終日

讀書治事未嘗晝寢夜必計過自訟晤即相告出秦

泉序凡視聽言動必準諸禮而不敢少失尺寸其持

身之正有如此者居常溫清定省出於誠篤每聞

庭訓則敬而守之惟恐行之不逮比列侍從即委

身於國曰此太史公教也於長者恂恂欵洽而禮

不踰曰此太史公尊也於幼者雖嘗規誨匡正而

意常惻如曰此太史公親也至於櫺祠烝嘗必泣

涕以奠久而無間其事親之孝有如此者忠諫

兩朝先後一節凡宗社大計如諫南綱常大禮如議

類之勤勤懇懇言之言則必要諸聖賢之大道而不

敢以末世苟且之說雜焉其事

君之正有如此者通籍十年義氣激烈諫而杖杖而
 竄又復諫又復杖而絕無一毫得失之心死生利
 害之念宅憂五六年非公事未嘗一入有司之室
 時有欲居以官屋而免其直者辭曰我世惟清白
 何用此為先時吾野江翁卜塋地諸君授以桃花
 嶺向固不敢以此累先人今又何敢以此累子孫
 哉竟不受其安義命之正有如此者時有立新奇
 捷徑之幟而詆毀程朱者嘗欲結太史公為之助
 太史公不可嘗語人曰道以中庸為至無新奇之
 道也學以次序而進無捷徑之學也吾守吾故而

已生平題贈酬答甚多至於異端釋老之徒權倖
 奄宦之輩未嘗一字及焉其守道之正有如此者
 居閩未幾適奔父喪琉球國人自長史金爵而下
 莫不哀號追送出辭扶母喪入江忽雲垂波立舟
 楫危甚乃為文籲祭風濤頓息出秦其精誠感格
 有如此者與朋友相劇切無幾微矯飭尤善成就
 後學出蒙與之講論事理而惓惓於心術之正嘗
 語之曰爵祿不入於心溝壑不忘於念以故門下
 之士恪守其教多為世名卿其教人之正有如此
 者其始生也士人泊舟野江夜半聞空中語曰狀

元姓舒出本傳歿之前日門生謀柩夢天垂白簾若出殯然中有六字曰忠孝狀元止此越一日果不起方及第時石人灘合果符占語及歿之夕大風雷電伐木鳥巢覆屋瓦飛其死生出處之關係有如此者太史公前後進諫蒙責傷重遂成偏枯之疾至是加以喉風舊疾愈劇居疾中禮度不踰凡相見者必與之揖坐言笑敬禮如平時家廟稍遠臨終欲自告於廟時兄弟子姪恐出有不利固留乃止命長子泰往禮禮畢歸命復曰吾母聶氏主未遷廟當親拜命酒以從至靈所揖不能拜仍命

泰拜再拜奠酒三焚帛罷揖而出復與衆揖曰連日多勞時入室少坐問曰此廳中曰非也即徑行出廳以終正寢長子泣問曰疾事如何家事如何乃瞪目謂曰惟勤儉正大學古人耳若夫家事吾國事不能成一况家事乎言畢而逝其臨終從容以禮有如此者

先皇帝有精醇端介之褒有文魁天下賢名大振之褒有陳仁義格君心之褒楊相國名一清號邃菴則稱之為忠孝狀元焉至儕之伊洛之賢則又泰泉先生之斷也直道扶國家之元氣論議發前賢之未

發又張

名整號蒙溪

萬

名虞愷號楓潭

二公之論也凡海內士

聞太史公之風者皆曰今之羅一峯萬萬口無異

辭焉其見於公評有如此者太史公生成化二十

年甲辰三月十有二日亥時卒嘉靖六年丁亥三

月十有四日辰時享年四十有四葬新建象山之

原首坤趾艮兼未丑嗚呼痛哉娶太母同邑大塘

齊氏封安人後太史公十有四年而卒乃合葬

焉琛聞之李翱有云先祖有美而不知不明也知

而不傳不仁也琛為此懼故謹敘太史公言行之

實於右然以子孫而稱揚先人或者又嫌於私而

疑之矣故

琛

惟據陳太史

名沂號石亭郵縣人

所撰墓誌門

人

姓熊名杰

所著本傳及諸名公之贈言而有關於言

行之大者則謹書之而不敢加一字焉間有一二

聞於父兄而為鄉黨所共知者亦謹書之又不敢

以為嫌而故遺之也若世德若胤嗣若姻戚則已

詳誌文茲不敢贅不肖孫

琛謹狀

隆慶丁卯十一月朔日

皇明狀元舒梓溪先生小像



舒梓溪先生像贊

道貞夷險學貫天人臚傳第一温飽何心仔肩世道憂

國如醒忠犯

先皇之怒孝感湖江之神屢疏伏

闕載杖委身屹然為

兩朝之砥柱毅然作萬里之長城君子有所恃而益奮小人有所憚而未衡迺若玉堂述作周孔情思文其在于斯乎嗚呼導

日而升炯炯長庚聞風而起皎皎一峯允也先生百世之宗

後學支應瑞謹撰

舒梓溪先生全集總目

外集十二卷

卷之一

全集一

制策一道

卷之二

全集二

表一首

奏疏一首

卷之三

全集三

序二十三首

卷之四

全集四

序二十五首

卷之五

全集五

序二十七首

卷之六

全集六

記十五首

卷之七

全集七

家譜七首

卷之八

全集八

墓誌銘碣六首

墓表四首

卷之九

全集九

書二十四首

傳五首

卷之十

全集十

祭文十首

贊三首

銘三首

箴五首

說四首

辨一首

跋五首

書一首

論二首

策一首

卷之十一

全集十一

賦二首

四言詩八首

樂府五首

五言古詩十一首

七言古詩五首

五言律詩十首

卷之十二

全集十二

七言律詩四十二首

五言絕句八首

七言絕句九首

雜體三首

聯句三十一首

詞一首

內集十卷

卷之一

全集十三

易箋問

卷之二

全集十四

太極釋義上

太極釋義下

卷之三

全集十五

東觀錄

卷之四

全集十六

周禮定本一

周禮定本二

周禮定本三

卷之五

全集十七

周禮定本四

周禮定本五

卷之六

全集十八

周禮定本六

周禮定本七

卷之七

全集十九

周禮定本八

周禮定本九

周禮定本十

木湯文集 目錄


卷之八

全集二十


周禮定本十一

周禮定本十二

周禮定本十三



總目 畢



ル
ア